

truunt naturam, & ad febres malignas, vel ipsam pestem disponunt.

Dosis ab uncia una ad uncias duas.

Externè naribus admotum, & pulsibus applicatum, præservat, atque roborat.

Notandum, quod acetis subungi possunt OXYCRATUM, seu POSCA, & OXYRRHODINUM.

OXYCRATUM nihil aliud est, quam mistio ex una acetii parte, & sex partibus aquæ constans.

OXYRRHODINUM paratur, miscendo partem unam acetii rosati, & tres olei rosarum partes.

CAPUT V.

DE DECOCTIS.

DEcoctum est medicamentum liquidum variis particulis, sive moleculis unius, vel plurium simplicium imbutum, recta coctione solutis, in liquido idoneo factum.

Decoctio verò levis est, valida, aut mediocris pro rerum coquendarum substantia, & viribus: quædam enim leviter tantum decoquenda, ut quæ virtutem habent imbecillam, nimisque dissipabilem, & substantiam raram, veluti aliqua simplicia purgantia, flores scilicet Violarum, Roris marini, Papaveris Rhoeados, &c. & quæ ex particulis salino-oleosis volatilibus constant, ut Salvia, Thymus, Lavendula, Mentha, semen Foeniculi, Anisi, Dauci, Lignum Aloes, Sassafras, Santalum Citrinum, & omnia, quæ suavem aromaticum spirant odorem.

Altera verò validiorem poscunt decoctionem, quorum nempe substantia firma est, crassa, densaque, ut ligna inodora, Polipodium, Sarsaparilla, China, & similia: nam eorum virtus difficillimè dissipatur, ob arctiorem

particularum cohærentiam : ideo priùs maceranda , & postea diu decoquenda.

Alia mediocrem substinent decoctionem , quæ substantia , & viribus , inter dicta , media sunt , sicut herbæ , fructus , semina , radices , &c. quæ nec tam leviter ut flores , nec tam validè , ut ligna inodora decoquuntur.

Cùm verò à Madicis absolutè præscribatur decoctio , semper in vasis fictilibus vitreatis , sive cupreis benè stannatis , ritè obturatis , & in aqua fontana fieri debet.

DECOCTUM PECTORALE.

R. Hordei integri , & mundati , . . . unciam unam.
 Jujubarum , . . . numero duodecim.
 Caricarum pinguium , . . . numero sex.
 Passularum exacinatarum , . . . } ana semi unciam.
 Glycyrrhiæ contusæ , . . . }
 Capillorum Veneris , . . . manipulum semis.

Coque in

Aquæ fontis , . . . libris tribus.

Ad consumptionem tertiæ partis.

Cola per linteum , ac per subsidentiam depura.

Egregiè tussi opitulatur , ideoque in pleuritide prodest.

Dosis ab unciis tribus ad uncias sex.

DECOCTUM PECTORALE SOLUTIVUM.

R. Decocti pectoralis descripti , . . . uncias octo.
 Foliorum Sennæ mundatæ , . . . drachmas tres.
 Rhabarbari contusi , . . . drachmam unam.
 Tartari solubilis , seu vitriolati , scrupulum unum.

Omnia in vase terreo vitreato indantur , & igne lento , levi cum ebullitione decoquantur , dein cola , & ad usum ferva.

S

138 PHARMACOPOEA MATRITENSIS.

In pectoris affectibus, ubi opus est expurgare, inser-
vit: humores enim sine molestia laxat.

Dosis ab unciis quatuor ad uncias sex.

Notandum, quod folia Sennæ, radix Aslari, Rhabar-
bari, flores Rosarum Alexandrinarum, Moschatarum, &
similium, levi ebullitione decoquantur: nam si nimia sit,
tunc substantia viscoso-tenax dissolvitur, quæ magna in-
testinorum excitat tormina.

DECOCTUM ALBUM.

R. Cornu Cervi ad albedinem calcinati, & supra por-
phyritem lævigati, semi unciam.
Micæ panis albissimi, uncias duas.
Aquæ communis, libras sex.
Coque levitèr, cola, & edulca
Sacchari albissimi, sufficienti quantitate.
Adde, si libuerit,
Aquæ Naphæ, vel Cinnamomi hordeatæ, . . .
. drachmas duas.

In dysenteria, diarrhœa, tenesmo, aliisque alvi flu-
xibus proficuum est, etiam tussim acrem, & siccam tem-
perat.

Dosis ab unciis duabus ad uncias quatuor.

Aliquando pro potu communi inservit.

DECOCTUM LIGNORUM.

R. Ligni Guajaci, uncias tres.
Rasuræ Cornu Cervi, }
Eboris, } ana unciam semis

Contundantur omnia, & injiciantur in

Aquæ communis tepidæ, . . . libris decem & sex.

In vase fictili vitreato, & per duodecim horas, infun-

dantur, postea vase clauso, per duas horas, igne lento, decoquantur, addendo in fine

Rasuræ Ligni Sassafras, . . . uncias duas & semis.

Santali Citrini, . . . drachmas sex.

Leviterque percoquantur, dein decoctum cola, & ad usum serva.

Exsiccat, attenuat, sudorem movet, catarrhosis affectibus confert, necnon arthriticis, paralyticis, & leucophlegmaticis.

Dosis ab unciis quatuor ad uncias sex bis quotidie.

DECOCTUM, SIVE AQUA ANTI-VERNEREA,

VEL ANTIMONIALIS.

R. Sarsaparillæ incisæ, . . . uncias duas.

Ligni visci quercini contusi, unciam unam & semis.

Rasuræ Cornu Cervi, . . . } ana semi unciam.

Eboris, . . . }

Antimonii crudi in frusta, & in petia ligati, . . .

. uncias tres.

Aquæ communis tepidæ, . . . libras decem.

Omnia simul injiciantur in vase fictili vitreato, & per spatium viginti quatuor horarum macerentur, postea igne lento, per horam decoquantur, in fine addendo

Cinnamomi acuti, . . . drachmas duas.

Ab igneque statim separa, dein decoctum cola, & ad usum serva.

Ad dolores venereos, rheumaticos extirpandos valet, exsiccat, ac resolvit: ideoque in gonorrhœa valdè prodest, ejus usus per dies multos continuari debet.

Dosis ab unciis tribus ad uncias sex.



Sij

DECOCTUM ANTINEPHRITICUM.

R. Ligni Nephritici, semi unciam.
 Corticis radice Petroselini, uncias duas.
 Fructuum Alkekengi, drachmas sex.
 Cremoris tartari, drachmas tres.
 Aquæ communis tepidæ, libras sex.

Contundantur, quæ contundenda, & injiciantur omnia in vase terreo vitreato, & per quadrantem horæ, igne lento decoquantur, in fine adde

Cinnamomi optimi, drachmas duas.

Et ab igne vase semoto, decoctum refrigeratum cola, in colatura iterum adde

Succi recentis Limonum, uncias tres.

Sacchari Candi pulverisati, uncias quatuor.

Misce, & ad usum serva.

Laudatur maximè ad calculum expellendum, & sabulosam materiam in renibus, & vesica contentam.

Dosis ab unciiis duabus ad uncias quatuor vespere, atque mane.

DECOCTUM ANTI-ICTERICUM.

R. Herbae Abrotani, semi unciam.
 Stercoris Anserini in petia ligati, drachmas tres.
 Radicis Chelidonii, } ana drachmas duas.
 Curcumæ, }
 Baccarum Juniperi, drachmas sex.

Omnia contusa injiciantur in

Vini albi optimi, &, } ana libris tribus.
 Aquæ Absynthii, }

Et in vase clauso per quadrantem horæ decoquantur, addendo in fine

Rhabbarbari optimi, } ana drachmam unam
 Zedoariæ leviter contusorum, } & semis.
 Florum Hyperici, drachmas tres.

Nucis moschatæ, drachmam unam.

Croci integri, scrupulos duos.

Ac levi cum ebullitione finiatur decoctio, dein vase
ab igne semoto, decoctum refrigeratum cola ad usum.

In affectibus ictericis, & aliis ab obstructione ortis, prodest.

Dosis ab unciiis quatuor ad uncias sex.

DECOCTUM AMARUM EX BATEANA.

R. Summitatum Centaurii minoris, . . } ana manipulum
Florum Chamæmeli, } femis.
Foliorum Agrimoniz, }
Seminum Cardui benedicti, } ana drachmam unam
Citri, } & femis.
Florum Calendulæ, pugillos duos.
Radiciis Gentianæ, drachmas duas.
Sennæ, drachmas sex.
Rhabarbari, drachmam unam.
Vini albi, }
Aquæ fontis, } ana libram unam.

Coquantur ad dimidias, fiat colatura pro tribus, vel
quatuor dosibus.

Decoctum Amarum alterans fit omittendo purgantia.

Clementer purgat, biliosos humores sine molestia eli-
minat, & febribus messentericis succurrit.

DECOCTUM ANTI-PESTILENTIALE,

SEU ANTILOIMICUM.

R. Radiciis Zedoariæ, semi unciam
Contrayervæ, }
Angelicæ Hispanicæ, } ana drachmas duas.
Rasuræ Cornu Cervi, }
Eboris, }
Decocti hordei depurati, libras tres.

142 PHARMACOPOEA MATRITENSIS.

In olla vitreata, operculo suo clausa, per quadrantem horæ decoque, deinde adde

Theriaca, } ana drachmam unam &
Diascordii Fracastorii, } femis.

Croci, scrupulum unum.

Coccinelæ, scrupulos duos.

Levitèr ebulliant, coletur, & adde

Aquæ Theriacalis, }
Epidemicæ, } ana uncias duas.

Syrupi tunicæ, }

Syrupi Chermesini, unciam unam.

Misce, & propina ad usum.

In febribus pestilentialibus, malignisque inservit.

Dosis ab uncia una ad uncias tres.

DECOCTUM BEZOARDICUM CURVI INCOMPLETUM.

R. Radicis Viperinæ in taleolas sectæ, unciam unam.
Coque secundum artem in vase fictili vitreato

Cum aquæ communis, libris sex.

Seminis Citri contusi, . . . drachmas duas.

Et in remanentiæ decocti colati libris quatuor injice.

Pulveris Bezoardici Curvi, . . . femi unciam.

Rob sambuci, uncias tres.

In febribus malignis, ac perniciosis cum successu adhibetur.

Dosis ab uncis duabus ad uncias quatuor.

DECOCTUM BEZOARDICUM CURVI COMPLETUM

SOLUTIVUM.

R. Decocti prædicti, libras quatuor.

Foliorum Sennæ, femi unciam.

Levi cum ebullitione coque, cola, dein dissolve.

Syrupi Rosarum Alexandrinarum, . . uncias sex.

Pulveris Bezoardici Curvi, . . . semi unciam.

Alvum leniter solvit, febribus malignis, cæterisque morbis ab ea provenientius occurrit.

Dosis ab unciiis duabus ad uncias quatuor.

JUSCULUM, SEU CONSUMMATUM VIPERÆ.

R. Viperæ recentè excoiata, capite, & cauda re-
jectis, minutim incisæ, . . . numerum unum.

Aquæ Scorzonera, uncias sex.

Santali Rubri trituriati, . . . drachmam semis.

Omnia simul immittantur in Matratium vitreum idoneum, & ritè clausum, ac in Balneo arenæ appositum, supra ignem lentum per horas quatuor decoquantur; dein coletur, & ad usum porrigatur.

Ad sanguinem purificandum, & spiritus reficiendos valet: nonnunquam Medici huic jusculo addunt carnem Vitulinam, Pullum Gallinaceum, rasuram Cornu Cervi, aut Eboris, Radices, vel alia, &c.

JUSCULUM PULLI GALLINACEI, VALENTINUM

VULGO DICTUM.

R. Succorum Cydoniorum, libram unam & dimidiam.
Omphacii, uncias decem.

Bulliant hi succi cum adjectis Cupressi gallis exactè tritis: postea coletur omne, & exprimatur, ac in colatura misceantur sequentes pulveres.

R. Cariei Xilocaræ, seu Ceratonix (quam & Siliquam appellant vulgò *ALGARROBO*) veræ, ex eadem in mense Maii collectæ (*dicitur Ceratonia vera, que insita est; ideoque pinguior & fructuosior: cujus speciei arboribus uberrimum Valentinum Regnum abundat*) uncias duas.

144. PHARMACOPOEIA MATRITENSIS.

Gummi Arabici,	} ana drachmam unam & semis.
Pulveris Rhuï Coriarij fruticis, <i>vulgò ZUMAQUE.</i>	
Santali Citrini,	unciam unam.
Nucis Moschatæ,	} ana drachmas sex.
Ligni Aloes,	
Macis,	
Cinnamomi,	
Caryophylorum,	
Omnia ad umbram siccentur.	

JUSCULI CONFICIENDI MODUS.

Apparetur pinguis Gallinaceus Pullus deplumis, & exenteratus, capite, ac cruribus abscissis: farciatur usque ad medietatem rosis siccis, tuncque pulveres apponantur in quantitate drachmarum circiter trium, ac dein eisdem rosis apprimè referciatur, debitèque demùm consuatur. Quo facto, cum duodecim aquæ libris in olla magna vitreata elixabitur, quousque optimè sit decoctus; tandemque extrahetur, jure solo in olla relicto: quæ, ut calorem non amittat, intra idoneum vas, aquâ calidâ repletum, continuè asservabitur.

JURIS PROPINANDI METHODUS.

Per binas horas propinetur jusculi potio in poculo majori, seu scutulâ magnâ: interim verò nihil aliud, neque cibi, neque potus sumat ægrotus; sed tantùm somni conciliandi gratiâ lecto sese rursùs componat.

VIRES.

Adversùs Lienteriam, & Cœliacam passionem remedium est ante alia præsentissimum.

DECOCTUM EMOLLIENS.

R. Foliorum Betæ,
 Malvæ,
 Althææ,
 Mercurialis,
 Violarum,
 Verbasci,
 Acanthi,
 Parietariæ,
 Senecionis, *vulgò YERVA CANA.*

Bulborum Lilliorum, *vulgò CACHOS DE CEBOLLAS DE LIRIOS.*

Ex his speciebus tres, vel quatuor magis obvias elige,
 cujusque, unciam unam.

Coque secundum artem in

Aquæ communis, sufficienti quantitate
 pro uno Clystere.

DECOCTUM CARMINATIVUM.

R. Decocti Emollientis, . . . quantitatem sufficientem.
 pro uno Clystere,

Seminum Fœniculi,	. . . }	ana drachmam unam.
Anisi,	. . . }	
Anethi,		femi drachmam,
Florum Chamæmeli,	. . . }	ana drachmam unam.
Meliloti,	. . . }	

Coque secundum artem, & cola.